

H V D L

1 5 8 9



D. g. 130

Geog.  
~~N. 3~~ 238  
4<sup>1/2</sup>





EDICT *ai*

25

Der Königlichen May. zu Franckreich/  
Darinnen sie den Herzogen von Meyne/Herzogen/  
auch Ritter D'Aumal/ So dann alle ihnen vnd ihrer  
Rebellion anhängige Stät/ als öffentliche ächter/ aller irer  
Hab vnd Güter/ wie die namen haben mögen/ dem Königl-  
lichen Fiscal verfallen sein/ Erklären/ vnd wollen sie wirck-  
lich eingezogen vnd confiscirt/ auch zu vorstehender Kriegs-  
nothturfft verwendet werden sollen.

Ein Erklärung

Der Königlichen May. zu Franckreich/ mit was  
massen/ vnd auß was vnvermeidlichen vrsachen/ sie  
sich mit dem König von Nauarra in einen  
Stillstandt eingelassen.

Erklärung

Der Königlichen Würden zu Nauarra/  
wes massen sie ober den Loir stram gesetzt/  
vnd sich in der Königlichen May. zu Franck-  
reich dienst vnd bestallung begeben.

Warhaffte Zeitung

Vnd kurzer Bericht/ was sich zwischen dem Königl-  
schen Kriegsvolck vnd den Rebellen in belägerung vnd  
Entsetzung des Stättlins Senlis / vnd in dem einfall des von  
Meyne zu Tours begeben: Wie Gott die Königliche May.  
zu Franckreich auß grosser Verräthercy / Gefahr vnd noth  
errettet/ vnd au beden/ auch sonst an andern orthten/ Sieg wis-  
der ihre Rebellen vnd Feind verliehen hat.

Alles auß dem Franckösischen  
Truck Verteutschet.

M. D. LXXIX.



ALC H B I C T

Der Königlich zu Brandenburg  
in der Hauptstadt zu Berlin  
das Amtliche Register  
des Buchhandels  
von 1674 bis 1700  
In welchem alle  
Buchgeschäfte  
denen Buchhändlern  
zu Berlin  
zugetheilt sind  
und in welchem  
auch alle  
Buchpreise  
aufgeführt sind

Das Buchhandel  
zu Berlin  
von 1674 bis 1700  
In welchem alle  
Buchgeschäfte  
denen Buchhändlern  
zu Berlin  
zugetheilt sind  
und in welchem  
auch alle  
Buchpreise  
aufgeführt sind

Das Buchhandel  
zu Berlin  
von 1674 bis 1700  
In welchem alle  
Buchgeschäfte  
denen Buchhändlern  
zu Berlin  
zugetheilt sind  
und in welchem  
auch alle  
Buchpreise  
aufgeführt sind

M D C L X I X



sch

gn

ge

ge

pr

wa

fa

ch

li

se

no

re

re

re

re



## Erklärung

Der Königlichen Majest. in Franck-  
reich / mit was maß / vnd auß was vn-  
umbgänglichen Ursachen sie sich mit dem  
König von Navarra in einen  
Stillstandt begeben.



**H** R Henrich / von Got-  
tes Gnaden / König in Franck-  
reich vnd Polen / Entbieten allen vnd  
jeden vnsern lieben / getreuen Präsi-  
denten / vnd andern Parlaments  
Räthen / vnsern Gubernatorn / Ge-  
neral Leutenanten vnserer Prouincien / Vögten/  
Amptleuthen / sampt andern vnsern Dienern vnd Bn-  
derthanen / vnser gnad vnd gruß.

Wann in allen dingen die rechte warheit auß dem jeni-  
gen / so jederman täglich vor augen sieht / am aller besten  
kunt vnd offenbar / gestalt wir Menschen keine bessere  
prob haben können: Sintemal Gott allein derjenige ist/  
welcher die hertzen prüffen / vnd dieselbige ergründen  
kan. So wirdt der auffrichtige eiffer vnd andacht / wel-  
che wir in Glaubens sachen / vnd sonderlich in der Catho-  
lischen / Apostolischen vnd Römischen Religion / jederzeit  
gehabt / durch die Probstück / welche wir von vnser Zus-  
gent off gethan vnd an vns sehen lassen / ihme selbst zu-  
gnügen / wider vieler Leuth heimliche hundertückische  
Schmähung das wort thun vnd sich verantworten können.  
Dann wir nicht allein in solcher Religion außgezogen /  
A ij sonderm



Sondern auch alzeit bey derselben standhafftig verharret/  
solches so wol mit vnserm leben vnd wandel bewiesen / als  
durch andere mittel / ja auch mit Gewehrter handt vnnnd  
darsetzung Leibs vnnnd Bluts dieselbige fort zu flanken  
vns bearbeitet vnd befließen haben / alles zu dem endt / daß  
Gottes Ehr dardurch befördert / vnd gemelte Catholische  
Apostolische Römische Religion an den orten / da sie in  
vnserm Königreich durch einführung eines neuen Glaue-  
bens / mit vnserm höchsten mißfallen vnnnd widerwillen /  
geändert worden / widerumb eingeführt / gelehrt vnd auß-  
gebreitet würde.

Wir seind aber in solchem heilsamen vorhaben nicht so  
sehr durch die jenigen / so jez gedachter neuen Religion an-  
hängig gewesen / verhindert worden / als durch andere  
welche die Catholische Religion vnder einem falschen eif-  
fer / zu einem Deckmantel gebraucht / vnder deß aber vne-  
uermerckter sachen den mehrten theil vnser Vnderthanen  
durch falsche einbildung zu sich gezogen / verführet vnnnd  
eine heimliche Verbündnuß vnd Liga ( darzu sie sich als  
Häupter gebrauchen lassen / ) mit einander auffgerichtet ha-  
ben / vnder dem schein / als wolten sie ( wann vns Gott  
ohn Erben von dieser Welt abfordern würde ) nach vns-  
serm ableben die Catholische Religion wider die Hugo-  
noten / welche sich vielleicht vns im Regiment zu Succe-  
diren vnd dieser Cron Erbschafft anzumassen vnderste-  
hen möchten / verretten / handthaben vnnnd verthädigen.  
Aber ihre intention vnnnd zweck war nirgend anders hin-  
gerichtet / als nur diß Königreich zu zerreißen vñ vnder sich  
zuthailen: Zu welchem endt sie dann mit etlichen Auß-  
ländischen ( welche dann ohne das nichts liebers wünschen  
vnd sehen möchten / dann daß diß Königreich in abnehmen  
gebracht oder gar zu grundt gesezelt würde ) sich dardurch  
desto



desto grösser vñnd mächtiger zu machen / heimliche ver-  
 standnuß gehabt / auch gern wider vnser Person vñ Hoch-  
 heit ihr heimliches / tückisches vñd verfluchtes vorhaben  
 vñd rathschlag außgegossen hetten / in dem sie erstlich vns  
 auff's äusserste zu verunglimpffen / vñ alle vnser handlung-  
 gen bey vnsern Vnderthanen verhaßt vñnd verdächlig /  
 ihnen aber dieselben beifällig vñd anhängig zu machen /  
 sich vnderstanden / vñd dieses alles vnter dieser scheinba-  
 ren vñd erwünschten hoffnung / welche sie jederman / benez-  
 ben fürwendung der Religion / eingebildet hatten: In dem  
 sie dem gemeinen Mann versprüchnuß vñnd zusagen ge-  
 than / ihnen die beschwerden vñd Schakungen / welche die  
 betrübte läuffte biß dahero verursacht / zu leichtern oder  
 abzuschaffen / ohn angesehen sie doch dißfals an den ort-  
 then / da sie zu gebieten / sich viel anders erzeiget vñd ver-  
 halten / als sie mit ihren gefärbten vñnd erdichten Worten  
 versprochen. Darnach daß sie sich der thätlichkeit läng-  
 ger nit enthalten können / sonder sich öffentlich in Kriegs-  
 rustung wider vns begeben / alles dahin gerichtet / daß sie  
 durch die ihnen bey dem gemeinen Mann zu wegen ge-  
 brachte vñd wider vns erworbene vorthail vñnd gelegens-  
 heiten ihren eigenen nutzen suchen möchten / auß welchem  
 hernach nichts anders als vnser armen Vnderthanen  
 äusserst verderben / vñd der jenigen / so der Catholischen  
 Religion zu wider sein auffnemen zu hoffen vñd zu erwar-  
 ten gewesen. Haben also jek gemelte Auffrührer durch  
 ihre practick vñd dück / so sie täglich wider vnser Person  
 vñd Hochheit obhanden gehabt / vns jederzeit verhindert /  
 daß wir den Feinden der Catholischen Religion nicht der  
 massen widerstand thun können / wie wir sonst woll hetten  
 wünschen mögen.

Wann aber der anfang obgemelter Kriegsempörung



Diesem Königreich jemals schädlich gewesen / so ist dero  
 selben vollführung demselben noch viel verderblicher vnd  
 nachtheiliger / sintemal sie durch ihre practicken Franck  
 reich auff ein neues mit Burgerlichen Kriegen vnd Auff  
 ruhren erfüllet / widerumb ein new Blutbad / Rauberey /  
 verachtung der von Gott ihnen vorgesezten Obrigkeit /  
 ehrlicher Frauen vnd Jungfrauen schändung vnd noth  
 züchtigung / vnd dann beides Geistlicher vnd anderer gü  
 ter einziehung vnd beraubung / ja vnzählich viel andere  
 bubenstück vnd mutwillen / Tirannen vnd zerrüttungen /  
 dern gleichen vormals nie weder gehört noch gesehen wor  
 den / angestift vnd angerichtet haben / alles zu höchster  
 verkleinerung nicht allein vnserer Königlichen Person  
 vnd Hocheit / wider welche sie sich öffentlich empöret vñ  
 auffgelehnet / vnd sich nit gescheuet in öffentlichen Truck  
 außgehen zu lassen / das sie vns nach Leib vnd Leben trach  
 ten / sondern auch zu großem nachtheil dieses herrlichen  
 Königreichs / welches sie im sinn gehabt vnder sich / als  
 ein außbeüth / zuvertheilen / vnd hierzu bey Außländischen  
 gesellschaft gesucht haben / alles dem alten Fransösischen  
 wollhergebrachten namen / vnd sonderlich dem Adel vnd  
 Ritterschafft / welche jederzeit vnd von alters hero diesen  
 preis vnd ruff gehabt / das sie sich nicht allein tapffer /  
 Mannlich vnd redlich gehalten / sondern auch vor allen  
 andern Nationen ihren Königen treu / holdt vnd gehors  
 sam gewesen / sie in ehren gehalten / lieb vnd werth gehabt /  
 zu höchster schandt / schmach vnd spot / ja welches noch  
 das ärgst ist / der Catholischen Apostolischen Römischen  
 Religion zu höchster verkleinerung / nachtheil vnd groß  
 sem abbruch.

Dañ vber das das die Burgerliche Krieg / trennungen  
 vnd auffstandt / guten vnd erbaren sitten schädlich vnd die  
 herten



Herken der Menschen eben so woll von der Gottesfurcht  
 vnd der ehrerbietung/ so man Gott schuldig ist/ als von  
 der Menschlichen liebe vnd holdseligkeit abwendet vnd  
 abhelt/ So ist auch diese trennung das einzige vnd rechte  
 mittel / durch welches die von der neuen Religion sich  
 stärken/ mehren/ vnd zu ihrem erwünschten auffnemen  
 kommen können. Welchem allem wir gleichwol vnsers  
 theils auß allen vnsern kräften/ vnd soviel immer mög-  
 lich/bezegnen/ vñ alle ding gern widerumb auff ein guten  
 weg bringen vñ richten wolten ( wie wir dann durch Gots  
 tes Gnad hierzu schon zimlicher massen ein anfang ge-  
 macht/ wann wir nicht widerumb durch diese neue vnruhe  
 vnd vffruhr wehren verhindert worden ) in massen wir  
 dann auch von anfang bis dahero nicht vnderlassen / alle  
 mittel vnd wege an die handt zu nemen / vnserer Vnder-  
 thanen/ so der Catholischen Religion verwandt vnd zuges-  
 than/ durch lindigkeit vnd mildtigkeit widerumb in eine  
 beständige einigung vnd gehorsam zu bringen / vnd also  
 das jenige / welches wir ihnen auff ihr vielfaltiges vnd  
 embsiges anhalten vnd bitten in der Reichs versammlung  
 vnserer Stände zugesagt vnd verheissen hatten/ ins werck  
 zu setzen: So hat es aber doch so weit gefält/ das vff diese  
 weiß ihre hartneckige herzen hetten können erweicht/ vñ  
 ein mit leiden ab dem vnheil vnd vnglück zu tragen / wel-  
 ches sie gleichwol alles angestift vnd verursachet/ beweget  
 weren worden/ das sie sich nicht allein an den vnbillichkei-  
 ten/ so sich bis dahero vns zu gefügt/ in dem sie vns den  
 mehrertheil vnserer Stätt eingenommen / vnserer beamp-  
 ten vmbrecht/ gefangē gelegt / vnd ihrer ämpter entsetzet/  
 die reichsten in vnserm Königreich rancionirt/ (vnd hiez  
 in kein vnderscheidt einiger Birde / Stand/ Geschlechts  
 oder Alters gehalten / ja auch der Geistlichen personen  
 selbst



selbst nicht verschonet) unsere Sigill zerbrochen vnd zer-  
 schlagen/ unsere Wapen außgelescht / vnser Bildnuß ab-  
 scheulich vnd schändlich zerrissen vnd darnider ge-  
 worffen/ Rätthe vnd Amptleuthe ihres gefallen geseket  
 vnd entsetet / unsere Rent Cammern beraubt / vnd  
 vnser Gelt vor sich eingezogen/ vnd wider vns vnd unsere  
 getreue Vnderthanen allerhandt mutwillen / spot vnd  
 hohn/ feindseligkeiten vnd Tiranny/geübet vnd gebrau-  
 chet/ nicht habē begnügen lassen. Sondern häuffen noch  
 darüber eine schmach vnd vnbillichkeit vber die ander / in  
 dem sie vns mit vnserm eigenen Geschütz vnd Waffen/ so  
 sie auß vnsern Rüstcamern genommen/ ja auch zum theil  
 mit vnsern eignen/ gleichwol Rebblischen Vnderthanen/  
 zum theil auch mit Außländischen vnd Feinden der Cas-  
 tholischen/ Apostolischen/ Römischen Religion (welcher  
 beschützer vnd handhaber sie gleichwol genennt sein wöl-  
 len) vnd unsere getreue Catholische Vnderthanen zu vns  
 dertrucken vnd außzurotten/ bekriegen vnd vberziehen  
 da sie doch viel mehr die von der neuen Religion (welche  
 sie vnder des in Frieden ruhen / vnd ihres gefallen die-  
 selbige fortpflanzen lassen) verfolgen vnd außtilgen  
 helffen solten. Inmassen dann der König von Nauarra  
 diese gelegenheit nicht vbersehen / noch auß der hand ge-  
 lassen/ sondern in dem wir vns wider vielgemelte Rebblis-  
 sche vffrührer gefast gemacht vnd gestärcket / vns unsere  
 Stätt/ Nyort, Sarin, Maixant, Maillerais, Chastelle-  
 raut, Loudun, l'Isle Bouchard, Montreul, Belay, Ar-  
 genton, vnd Blanc in Berry eingenommen / auch mit  
 seinem Kriegsvolck biß zu dieser Stat gerucket / auß wel-  
 cher wir vns wolten so bald vffgemacht / vnd wann wir  
 seines vorhabens vnd thätlichkeit verständiget / ihme ent-  
 gegen gezogen sein vnd verhindert haben / daß er mit  
 sich



seinem Kriegsvolck vns kein weitem Schaden zufüget:

Wann vns aber leichtlich zu ermessen vnd abzunemen gewesen/das vns ein solches eben zu der zeit zu thun nicht wol möglich/ da wir nothwendiglich vnser Kriegsvolck zur beschützung vnd verthädigung vnser person vnd vnserer getreuen Diener vnd Vnderthanen wider obgemelter Auffrührischen vnd Rebellischen wüten vnnnd toben/welche/wie wir augenscheinlich gesehen vnd erfahren/ vff keine weise vnd wege sich zur ruhe begeben/ vnnnd mit vns versöhnen lassen wollen/wie vielerley anlaß vnnnd gelegenheit wir ihnen auch hierzu gegeben/haben brauchen müssen. Hergegen aber auch zu gemüht geführt/ das/ ob vns woll bewust/ das obgemelter König von Nauarra niemals/ wie jene Auffrührer/ etwas wider unsere Person/ Leib vnnnd Leben/ vnnnd vnser Hochheit vorgenommen/attentirt oder vnderstanden hette/ gleichwol nichts desto weniger unsere arme Vnderthanen zum höchsten durch sein Kriegsvolck beschwert vnnnd vndertrückt werden/wann wir ihme nicht anlaß geben solches dahin zuwenden/wie es dismals dieses Königreichs notturfft vnd gelegenheit erfordern thete/ anderseits auch durch unsere Prouincien/welche durch des von Nauarra anhang sehr oberlästiget vnd betrangt würden/vnnachlässlich ersuche vnd angelauffen worden/ diesem vbel vorzukommen vñ zu begegnen/ auch da es je auff keine andere füglichere weis geschehen könte/ man vffs wenigst ein zeitlang ein Stillstandt machen wolte/ ohn welchen ihnen nicht möglich sich länger zu beschützen/vnd das Kriegsvolck zu erhalten/ auch sich mit Weib vnd Kindern zu ernehren/vns auch so viel zu verstehn geben/ das schon etliche auß obgemelten Prouincien durch die langwirige außgestandene beschwerungen dermassen bewegt/ das sie auch

B für



für sich selbst ein solchen stillstand einzugehen / albereit  
entschlossen vnd gemeinet weren.

Auß diesen des Königs selbst worten hat der  
Leser vñ mániglich zu sehen / was massen der ge-  
rechte Gott / die arme betrangte Kirchen in  
Francreich / so bishero von aller Welt / auch  
denen / die es billich nicht thun sollen / als Rebel-  
len / Aufrührer / die dem König nach der  
Gren / Leib vnd Leben trachten / beschuldiget  
vnd außgeschrien / auch zum höchsten verhaft  
gemacht worden / durch den König selbst vnd  
höchsten verfolger vnd feind berurter Kirchen  
solcher falschen bezüchtigung entladen / ihrer  
vnschuld kundschafft vnd zeugnuß / darneben  
zu erkennen geben wirdt / daß der Antichristisch  
hauff eben die rechte gesellen sein / so Francreich  
bevrübigen / vnd alle empörungen anstifften /  
vngeweißelter zuversicht / der Allmächtige  
vnd getreue Gott werde der Babilonischen  
Huren zu Rom dergleichen blutdürstige an-  
schlag je länger je mehr entdecken / vnd zu nicht  
machen / Amen.

Als haben wir alle jetzt erzelte vrsachen mit den Für-  
sten des Königlichen geblüts / den beampten vnseres Kö-  
nigreichs / vnd andern Herrn vnd vnsern Ráthen / so wir  
bey vns haben / zu gemüth gefüret / in berathschlagung  
gezogen / vnd entlich kein besser vnd bequámlicher mittel /  
in



in dieser äussersten noth gefunden / als daß wir / beides  
 uns vnd vnsern Vnderthanen zum besten / mit dem Kö-  
 nig von Nauarra vns dahin verglichen / den Krieg zwis-  
 schen vns ein zeitlang einzustellen / vnd mit ein ander in  
 Frieden zu stehen. Derwegen wir auch ihme vnd den  
 seinigen / auff ihr fleissiges bey vns anhalten / einen Still-  
 stand vom Krieg bewilliget vnd zugesagt haben / in son-  
 derlicher betrachtung / daß er sich aller gebür gegen vns  
 erzeiget / vnd wir ein herzlich mißfallens vnd mitleidens  
 ab dem elend vnd vnglück / in welchem wir vnser Königs-  
 reich dieser zeit stehen sehen / tragen / welches billich alle  
 rechte vnd natürliche Frankosen bewegen vnd anreizen /  
 daß sie das angelegte feuer solcher trennungen / dardurch  
 ihm nichts gewissers / als das äusserste verderben / vnd sein  
 entlicher vndergang zu gewarten / außleschen helffen sol-  
 ten: Sindt gleichwol der tröstlichen hoffnung vnd zuver-  
 sicht / es werde Gott der Allmächtige solches noch länger  
 zu seiner ehr wider den gewalt vñ practicken der jenigen /  
 welche wegen ihres eigenen nutz vnd ehrgeizes dasselbig  
 gern wolten zertrennet vnd zerrüttet sehen / erhalten.

Wollen derwegen daß jetzt gemelter Stillstandt mit  
 dem König von Nauarra durch vnser ganz Königsreich  
 gehalten / vnd ein ganz Jahr lang / vom dritten tag Apri-  
 lis / bis wider auff den dritten tag gemeltes Monats / des  
 folgenden Jahrs / beide tag mit eingeschlossen / anzurechnen  
 wahren solle / vnd solches alles vnsern lieben vnd  
 getreuen Vnderthanen / welche vns ihre schuldige treue  
 vnd pflicht vnd gebürlichen gehorsam leisten / zum besten.

Wollen auch Auignon / vnd die Graffschafft Venie-  
 te / so vnserm allerheiligisten Vater / dem Pabst / zugehö-  
 rig / in diesen Stillstand mit begreifen / vnd solchen ders-  
 selbigem



selbigen Vnderthanen/ als welche vnter vnserm Schutz  
 vnd Schirm sitzen/ auch zum besten gemacht vnd auff  
 gericht haben: Der gestalt vnd mit dem geding/ daß der  
 König von Nauarra ( welcher von aller deren wegen/ so  
 seiner Parthey anhängig / solches zu thun versprochen  
 vnd zugesagt ) zeit wehrendes Stillstands sein Kriegs  
 volck nirgends hin / weder in noch aufferhalb dieses Kö  
 nigreichs/ ohn vnsern beuelch vnd bewilligung brauchen  
 soll/ auch an den orthen / welche vns vnsern schuldigen  
 gehorsam leisten / vnd vor ihre Obrigkeit erkennen /  
 nichts thätlichs fürnehmen oder gestatten / daß etwas  
 dergleichen vorgenommen werde. Soll auch der orthen/  
 durch welche er ziehen oder stilliegen würt/ (doch außges  
 nommen die jenigen plätz / die er vor obgemeltem tag ins  
 gehabt ) in der Catholischen/ Apostolischen vnd Römi  
 schen Religion nichts ändern oder ändern lassen / oder  
 vnser Vnderthanē/ so jetzt gemelter Religion zugethan/  
 sie seien gleich Geistliche oder andere Personen / so ferz  
 sie vns anderst ihren schuldigen gehorsam nicht entziehen/  
 weder an ihren Leib noch gütern / oder auff einige weis  
 vnd wege solches geschehen möchte/ beleidigen/ noch eini  
 gen verdruß anthun.

Da auch in diesem Krieg er oder die seinigen eine oder  
 mehr Stätt/ Schlöffer/ oder andere orth vnd festung/  
 entweder durch gewaltd / heimliche verständnuß / oder  
 auff was weis vñ wege solches sonst geschehē möchte / ein  
 nehmen würt / soll er dieselbigen / laut seiner zusag vnd  
 verheyßung/ vns so baldt einräumen/ vns darmit vnser  
 gefallens / als mit vnserm eigenthumb schalten vnd wal  
 ten lassen. Hergegen soll der König von Nauarra sampt  
 seinen Religions verwandte/ zeit währendes Stillstands  
 Ihrer güter/ welche vor der zeit confiscirt vnd eingezo  
 gen



gen gewesen/widerumb frey vnd vnverhindert genieffen vnd gebrauchen: wie sie gleichfals vnseren Catholischen gehorsamen Vnderthanen an den orten / welche sie ins haben/des irigen zu genieffen / vnd ohne eintrag zugebrauchen / zulassen vnd gestatten sollen.

Befelhen derwegen vnd gebieten allen vñ jeden/sampt vnd sonders / daß sie allem dem jenigen / was in diesem Brieff begriffen vnd diesen Stillstand betreffen thut/von Puncten zu Puncten nachsehen / gehorsamen vnd demselben im geringsten nicht zuwider thun / verschaffen oder gestatten gethan zu werden: Wollen auch daß gegenwerdtige vnserer Erklärung vber diesen Stillstand allenthalben öffentlich verlesen / vnd damit niemand vnwissenheit fürzuwenden/Publicirt werde: Gestalt wir dait auch hiermit bezeuget vnd protestirt haben wollen / daß/ vber daß wir diesen Stillstand zur beschützung vnd beschirmung vnser Person vnd vnserer Vnderthanen/wider viel gedachter Auffrührer gewalt/eingewilliget vnd gemacht/ wir auch vornemblich dahin gesehen haben/daß ein solches vnserer Catholischen/ Apostolischen vnd Römischen Religion zu gutem/ vnd vnseren getreuen vnd gehorsamen Vnderthanen zu ihrem besten vnd frommen gereichen würde/ In sonderlicher betrachtung/der König von Nauarra sonst/da solcher Stillstand nicht getroffen würde/ in seinem vorhaben/ vñ wie er schon angefangen/fortsetzen/ vnd viel ding zu höchstem nachtheil vnserer Catholischen Religion / vnd vnserer vnderthanen vntertrückung/vornemen vnd anfangen würde/in welchem wir ihme/wann wir zu gleich mit andern zu schaffen solten haben/ der gebürwicht widerstand zu thun gewist hetten. Bezeuigen vnd Protestiren hiemit ferner/ daß viel gedachte Rebellighe vnd Meutmacherische Auffrührer/



In der einigkeit/ auff welche sie mit allen vnsern Catholi-  
 schen Vnderthanen in verschiener versammlung vnserer  
 Ständt/ beneben vns durch die abgeordnete geschworen/  
 vnd dieselbige bestättiget hatten/ brüchig vnd meineidig  
 worden sein/ vnd ermahnen sie bey den Pflichten vund  
 Eiden/darmit sie vns verwannt vnd zu gethan/ daß sie sol-  
 cher einigkeit/ zu erhaltung vñ fortpflanzung vielgemel-  
 ter Catholischen/ Apostolischen vñ Römischen Religion/  
 wider vmb beysall thun/ vnd daß sie an allem dem vnglück  
 vnd vnheil/ welches sie der ehr Gottes/ vñnd der H. Kir-  
 chen zu höchstem nachtheil / durch diesen Krieg verorsach-  
 et/ vnd darzu sie durch diese trennung anlaß geben/ vor  
 Gott allein schuldig sein. Wie wir gleichfalls vnserer  
 theils entlich vnd gänzlich dahin entschlossen / daß wir  
 in dem geringsten Pünctlin nichts/ was zu erhaltung/ er-  
 weiterung vñnd fortpflanzung offt gedachter Catholis-  
 schen / Apostolischen vñnd Römischen Kirchen einiges  
 wegs dienstlich vnd befürderlich sein mag / hiermit be-  
 gehren wollen/ sondern sind des vorsazes / daß wir in  
 diesem heiligen willen vñnd guten vorhaben / durch die  
 gnade Gottes / welchen wir vnnachlässlich vmb seine  
 hülf vnd beistand verhalten anruffen / bis auff den lez-  
 sten seuffzen vnser seelen / standhafftig bleiben vnd ver-  
 harren wollen.

Vnd weiln man dieser vnserer gegenwertigen Decla-  
 ration vñ erklärung an mehren vnderschiedlichen orten  
 möchte von nöthen haben: So wollen wir / daß von dies-  
 sem Original ein glaubwürdig Vidimus durch einen  
 vnser geschwornen vnd getreuen Notarien vnd Secreta-  
 rien abgeschrieben / vnd demselben gleich/ als dem rechten  
 Original/ glauben zugestellt werde/ daß dis ist vnser end-  
 licher will vnd meinung.

Ge



Gegeben zu Tours / den 26. Aprilis / im 15. Jahr vnser  
Königreichs.

Also vnderrieben

Henricus

Und weiter herunden

Von wegen des Königs

Keuol.

Gesigelt auff einfache schnur mit dem grossen  
Insiegel in Gelbem wachs.

Und noch weiter herunden

Collationirt mit dem rechten Original  
durch den Königlichen Notarium,  
Secretarium vnd Rhat.



## E D I C T

Der Königlichen May. zu Franckreich/darinn sie des Herzogen von Meyne/ Herzogen/ auch Ritter D'Aumal/ So dann aller der jeniagen/welche auß freiem willen in den Stätten Paris, Rouan, Thoulouse, Orleans, Chartres, Amiens, Abbeville, Lyon vnd le Mans/ wohnen/ sampt allen denen/ so ihnen anhängig/ Hab vnd Güter/ beweglichs vnd unbeweglichs/ wie die namen haben mögen/ dem Königlichen Fiscal verfallen sein erklären/ vnd wollen das sie wirklich confiscirt/ eingezogen vnd zu gegenwertiger Kriegs nothturfft/ verwendt werden sollen.



**H** R Henrich / von Gottes Gnaden / König in Franckreich vnd Poln: Entbieten allen vnd jeden/ so diß vnser Edict jezund oder ins künfftig/ vorkommen wirt/ vnser gnad vnd gruß / vnd fügen ihnen hies mit zuwissen/ das ob wir wol jederzeit der tröstlichen hoffnung vnd zuversicht gewesen / es würde sich die dolcküne vn Sinnigkeit/ das wüten vnd toben vnserer Vnderthanen/ welche zur Wehr zu greiffen/ vnd vns zu Bekriegen sich vnderfangens einmal auffgehöret / vnd ihr feindseliges verfluchtes vorhaben nicht so lang gewährt / sondern ihre mißhandlungen erkennet/ vnd sich vnder den gehorsam vnd ehrerbietung/ so sie vns schuldig / vnd welche ihnen Gott in seinem wort außdrücklich vns zu leisten befohlen



hat/ widerumb ergeben haben/ beuorab/ die weil wir vn-  
 sers theils nichts an vnser gnad vnd Sanfftmütigkeit er-  
 winden lassen: Sondern sie desto leichter vnnnd eher wis-  
 derumb zu recht zu bringen/ ihnen gnugsam zu verstehn  
 geben/ wie hoch wir vns ihren selbst frommen/ ihr heil vñ  
 wolfahrt anaelegen sein liessen/ in einem Öffentlichen  
 schreiben vñ Edict/ so in verschieuem Februario zu Blois  
 abgangen/ inen noch zum oberflus eine geraume zeit vnd  
 Dilation zu ihrer besserung/ bis vff den funffzehenden  
 diß gegenwertigen Monats Aprilis/ angesetzt vnd zuge-  
 lassen/ der hoffung/ sie würden in gemelter zeit von ih-  
 rem nãrrichten vnnnd thõrichten vorhaben abgestanden/  
 vnd sich widerumb vnder den gehorsam/ welchen sie vns  
 vor Gott vnd der Welt schuldig sein / eingestellt haben:  
 So hat doch/ dessen allen ohnangesehen/ diese vnser guts-  
 herzige wollmeinung vñ geneigtes gemũth im geringsten  
 nichts bey ihnen vorfangen wollen/ sondern sie sindt noch  
 ein weg wie den andern auff ihrem halßstarrigen sinn vñ  
 meinung verharret/ haben vnser gütigkeit mißbraucht/  
 vnd in ihrer böshheit immer fort gefahren/ der gestalt/ daß  
 sie auch zu sammen geschworen/ vnd sich wider vnser pers-  
 son vnd Königreich mit einander verbunden / ohn ange-  
 sehen/ sie sich mit erdichten vnnnd geblümbten worten ver-  
 nemen lassen/ als wann sie desselben wolfahrt suchten/ da  
 sie doch vnder des aller hand feindselige thätlichkeiten vñ  
 greüliche Tirannen wider vnser getreue Diener vnnnd  
 gehorsame Vnderthanen vben vnd vornemen / also daß  
 sie ihnen auch kein gewissen machen / die selbige vmbzu-  
 bringen/ vnnnd den schmähelichsten todt anzuthun / wel-  
 chen sie durch ihre verrãtheren vnd meincidigkeit viel bes-  
 ser selbst verdienet hetten / als die jenigen / so von ihnen  
 also vnschuldiger weiß vmb ihrer auffrichtigkeit vnnnd  
 treuwe

E

treuwe



treuwe willen hingericht werden / die jenigen sag ich / welche sie soviel Jahr hero ihrer herrlichen Tugenten halben lieb vnd wärth gehalten / haben jekunder in vier vnd zwanzig stunden müssen den todt verdienet haben / dieweil sie sich ihrer bubenstück theilhaftig zu machen verweigert.

Diesem allem nun vorzukommen / vnd solche Barbarische Tyrannische begünnen vnd vndertruckung zu straffen / seindt wir bey vns entlich beschlossen / in furzem ein ansehnlichs Kriegsvolck zu sammen zu bringen / der hoffnung / es werde vns Gott der allmächtige (welcher ein beschützer vnd handhaber ist aller der Könige / welche er ordenlicher vnd rechtmässiger weise zum Regiment berufft) seine gnad vnd segen verleihen / das wir unsere Würde vnd Hochheit / welche er vns durch seinen gnädigen willen verliehen hat / dardurch erhalten vnd beschützen / vnd solcher Rebellen / Meineidigen / Ehrlosen / vnd von Gott vnd seinem heiligen Geist verlassen Leuth / Meineidigkeit vnd Treulosos Aufführisches vorhaben / der gebür straffen vñ züchtigen werde können. Wann es aber nicht gnug / das diese gesellen durch Krieg vndertruckt / gezüchtigt vnd gedämpffet / sondern auch von nöthen / das bey den nachkommen ihre Meineidigkeit vnd Verrätheren bekandt werde / vnd also ein vnderscheidt vnter ihnen vnd anderen ehrliebendē Leuthen / welche sich ihres berufss erinnert / vnd der von Gott ihnen vorgesezten Oberkeit allen schuldigen vnd gebürlichen gehorsam geleistet / erscheine: Als haben wir vmb jese angeregter vrsachen willen / mit rath vnd gutachten der Fürsten vnsers geblüts / der Cardinäl / Prelaten / Herrn vnd anderer vnserer Rāthe / vnd zu folge obangezogen erklärungen / so wir hievor gethan / vns dahin erkläret / erklären vns auch vnd sagē öffentlich / in krafft dieses geschens



genwertigen Brieffs/so wir mit eigener hand vnder schries  
ben vnd Besiegelt: Das der Herzog von Meyne/ Herz  
zog vñ Ritter von Aumalen/vñ alle die/so autwillia vñ  
auf freiem willen in der Stat: Paris, Rouan, Thoulou  
se, Orleans, Chartres, Amiens, Abbeville, Lyon  
vnd le Mans/wohnen/ auch alle andere/wes Stands vñ  
wesen dieselben sein mügen/so ihrer Parthen anhangen/  
ihnen mit ihrem Gelt vnd vermögen vorschub/ allen ihz  
ren helffern vnd helffers helffern/so sich an vnser Königs  
lichen Majestat vnd Hochheit vergriffen/vnd des lasters  
der beleidigten Majestat öffentlich vberzeugt/ vberwies  
sen vnd überwunden sein. Wollen/ setzen vnd beselhen  
auch/ das alle vñnd jede ihre Güter/ so von vnser Cron  
ohne mittel zu Lehen herrühren/widerumb zu derselbigen  
gezogen/ verwürckt vñ vns wider heimgefallen seind/wie  
dan gleichfals auch ire andere güter/beweglich vnd unbes  
glich/ Lehē oder Eigenthum/ Rentē/ Gültē/Schuldē/  
Anforderungen/ oder wie sie sonst namen haben mögen/  
vns verfallen/ confisciret vnd eingezogen werden sollen:  
Vnd sollen an ihre statt vnd Gubernament dächtige vnd  
qualificirte Commissarien verordnet werden/ welchen  
wir dieselbige zu verwalten beselhen vnd vndergeben wols  
len: Vnd solches aller vnd jeder exceptionen/ einrede  
oder Priuilegien/so vorgewendet werden möchten/ vns  
verhindert/ also vnd der gestalt/ das bedes bewegliche vñ  
unbewegliche güter(mit den gebürlichen Solenniteten/  
so bey solchen handlungen erfordert werden) verkaufft  
vnd vergandet/vnd dem/welcher am meisten darauff bies  
ten wirdt/ zugestelt vnd gegeben/vnd das darauff erlöste  
Gelt zu vorstehendem Kriegswesen angewendet werden  
solle. Vnd dieweil sich vielleicht solche distraction vnd  
verkauffung durch widersetzung vnd einrede etlicher ihrer



freunde vnd verwanten/ auch anderer/ welche jederzeit et  
 was an vnsern thun zu tadlen wissen/ auffziehen vnd verz  
 weilen möchten: So wollen wir daß die beweglichen gü  
 ter/ aller vnd jeder Redt/ widersetzung vnd Appellation  
 vnverhindert/ verkaufft/ vnd das darauß erlöste Gelt  
 zum fürderlichsten vnsern hierzu Deputirten beampten  
 eingehändiget vnd geliefert werde. Soll gleich woll den  
 jenigen/ so an diese güter etwas zu sprechē/ sich an den vn  
 beweglichen gütern (wo fern deren vorhanden) vermög  
 der rechten zu erholen/ keins wegs benommen sein: Doch  
 sollen obbemelte eigenthumbs Herrn/ glaubiger vñ ander  
 re/ so anspruch an gemelte güter zu haben vermeinen/ ins  
 nerhalb vierzehnen tagen/ nach gescheneer einziehung vnd  
 Confiscation/ ire Forderungen in allen vnd jeden vnsern  
 Amptern/ wo fern sie anderst in denselben wonhafft/ bey  
 vnsern Amptstuden förmlich anzubringen vnd zu spes  
 cificiren, auch dieselbig so baldt mit Briefflichen vrfun  
 den vnd documenten/ oder/ wie sich sonst vermög der  
 rechten gebürt/ zu iustificiren schuldig sein/ damit vn  
 sere Amptleüth oder ire Nachgesetzten darüber erkennen  
 mögen/ was sich deswegen zu Recht gebüret: In massen  
 wir dann ihnen hiermit auffgelegt vnd befolhen haben  
 wollen/ daß sie summarischer weiß/ ohne einige weitläuff  
 tigkeit des rechtlichen Proceß/ hierin procediren/ vnd/ bey  
 verlihrung vnd entsetzung irer ämpter vnd dienst/ hierin  
 nichts vbersehen/ sondern alles was sie dißfals verrichten/  
 Protocolliren vnd auffzeichnen. Ebener massen auch  
 vnsern General Procuratorn Substituten befehlent/  
 daß sie steiff vnd fest ober der Execution vnd vollziehung  
 dieses vnser Edicts halten/ vnd je von vierzehnen zu vier  
 zehen tagen zu vnsern Parlamenten berichten/ was sie  
 dißfals verrichtet vnd in erfahrung bracht haben. Wols  
 len



ken auch daß alle vnd jede/ so viel gemelten Rebellen  
 vnd Meineidigen/ oder denen so ihrer faction anhängig/  
 etwas schuldig sein/ es sey an Renten/ Zinsen/ Jährliche  
 einkommen/ oder wie es sonst wolle/ solches so bald nach  
 eröffnung vnd Publicirung dieses Edicts vnsern Rich-  
 tern vnd Amptleüthen anzeigen / mit dieser außtrückli-  
 chen inhibition vnd verbott/ daß sie ihnen nicht das ge-  
 ringste/ vnder was schein auch solches geschehen möchte/  
 erlegen vnd bezalen/ bey straff nicht allein hernach das  
 vierfaltige zu bezalen/ sondern sollen auch inen gleich vnd  
 vor ihre Bundsgenossen/ als welche ihrer Bubenstück  
 theilhaftig sein/ gehalten/ vnd gleich wie jene criminis  
 læsæ maiestatis schuldig sein. Ihnen auch hiemit bey jert  
 angeregter straff befelhend vnd aufflegend / daß wo sie  
 Gelt/ Handschriften/ Gültbrieff/ Schulden/ Kauff-  
 manschaft/ oder andere Brieffliche instrumenta oder vr-  
 kunden/ so viel gemelten Rebellen zustehen/ in erfah-  
 rung bringen können/ sie vns solches zum fürderlichsten/  
 vnd so bald ihnen immer möglich/ zu wissen machen / das  
 mit wir solches bey handen bringen/ vnd sonst der gebür  
 damit zu verfahren haben.

Gebieten derwegen vnserer General Procuratorn  
 Substituten/ daß sie hierin ein embsiges vnd fleissiges  
 auffsehen haben/ vnd die Güter/ so laut Edicts/ vns ver-  
 fallen/ also bald einziehen/ vnd benebē denjenigen/ welche  
 ihnen in diesem fall etwas vermelden oder anzeigen wer-  
 den/ ihren möglichem fleiß anwenden / damit sie solches  
 bey handen bringen: Im fall aber diß orths etwas von  
 ihnen solte verabsaumet oder vber sehen werden/ wollen  
 wir vns dessen an ihnen zu erholen/ vnd desselbigen hab-  
 haft zu machen nicht vnderlassen.

Erklären auch ferner obgemelte Auffrührer vnd. Re-  
 bellische



Bellische Hiemit vor öffentliche Schelmen/ Ehrlose/ Ehr  
 zoergessene/ Meineidige/ Treulose Leüthe/ welche nicht  
 wärh sein/ daß sie mit redlichen Leüthen umbgehen/ viel  
 weniger daß sie einige dignitet oder ämpter/ oder stande  
 in unserm Königreich haben vnd tragen sollen: Gestalt  
 wir dann auch die ienigen ämpter/ so sie bißhero verwalt  
 tet haben/ als apert vnd ledig erkennen/ vnd wollen daß  
 dieselbige/ als verwüreckt/ vnd vns heimgefallene/ auffges  
 gezeichnet/ vnd fünffzig andern qualificierten vnd tüg  
 lichen personen zuerkent/ vnd eingeräumt/ das Gelt  
 aber/ so hierauß erlöset/ gleicher gestalt zu vorstehendem  
 Kriegswesen gebraucht vnd angewendet werden. Wir  
 ordnen vnd wollen auch/ daß vber jetzt gedachtes Gelt/ so  
 auß vorgemelten beweglichen vnd unbeweglichen Güt  
 tern erlöset wirdt/ wie dann auch vber die abnutzungen vñ  
 gefäll/ renten/ zinsen/ vnd andere einkommen/ durch vns  
 here hierzu verordnete Commissarien/ fleißige vnd auß  
 führliche verzeichnuß vnd relation auffgerichtet/ vnd  
 von denselben unsern Rentmeistern eines jedern Ampts/  
 in welchem solche güter gelegen vnd gefunden werde/ ge  
 liefert vnd zugestellet werden. Vber welche verzeichnuß  
 unsere General Cammermeister ihre Register auffrich  
 ten/ Solches gleich andern/ so sie vnser wegen einnemē/  
 in ihre Rechnung bringen/ vnd beneben dem jenuigen/ so  
 wir zu erhaltung der Kriegs außgaben vnd kosten ange  
 wendet vñ außgeben/ verrechnet werden sollen/ zu welche  
 Krieg dann/ vnd nirgend anderst wohin/ wir solch Gelt  
 sonderlich verordnet vnd Deputirt haben wollen.

Befelhen ferners/ daß vielgemelte unsere Amptleüth  
 vnd Befelchshaber alle andere geschäft hindan setzen/  
 vnd mit offtgedachten Rebellen vnd Meineidigen  
 Auffrührern vnd ihrem anhang/ zum schleünigsten vnd  
 fürs



fürderlichsten procediren / allermassen vnd wie vnser  
Edict / hierüber ergangen / außweisen vnd mitsich bring  
gen.

Gebieten auch vnd befehlen vnsern Præsidenten /  
Räthen / Præuosten / Bögten / Amptleüthen / Rich  
tern / oder ihren nachgesetzten / sampt vnd sonders / daß sie  
diese vnser gegenwertige Erklärung / endlichen willen  
vñ meinung / öffentlich verlesen / Publiciren / vnd in allen  
vnsern Parlamenten vnd Stätten verkünden lassen / das  
mit sich jederman darnach zu richten / vnd derselben nach  
zusehen wisse / keiner nichts darwider thue oder verschaf  
fe gethan zu werden. Insonderheit aber wollen wir vn  
sern General Procuratorn vnd ihren Substituten ernsts  
lich auffgelegt vnd befolhen haben / daß sie vber diesem  
vnserm Edict steiff vnd fest halten / dasselbig auff baldest  
ins werck richten / vnd je von vierzehnen zu vierzehnen ta  
gen vns berichten / wie dasselbig von ihnen exequiret  
vnd volzogen werde. Dann diß ist vnser endlicher will  
vnd meinung.

Vnd damit diß je vnd alzeit steiff vñ fest gehalten wer  
de : So haben wir vnser Insiigel an gegenwertig Edict  
hencken thun. Gegeben zu Tours / im Monat April  
li / Anno 1589. vnser Königreichs im 15.

Also vnderscrieben

Henricus:

Vnd auff der andern seiten /

Von wegen des Königs

Ruze.

Gesiz



Gesigelt in rotem Wachs mit dem grossen sigill/ so  
an eine rot vndh grüne seiden schnur gehenckt.

Vnd ist weiter vff der andern  
seiten geschriben/

Diz gegenwertig Edict ist vff befehl des  
Kön. General Procuratoris verlesen/ Publi-  
cirt/ Protocollirt vnd befohlen worden / dasz  
in alle Ampt vnd Bogteyen collationirte  
Copeien darvon geschickt / vnd solches gleich-  
fals daselbst verlesen/ öffentlich verkündet vnd  
Protocollirt werden solle: Ferner auch ob-  
gemeltes General Procuratoris Substitu-  
ten vfferlegt/ diesem mit allem fleisz nachzuse-  
hen/ vnd innerhalb einem Monat solches wi-  
derumb gehn Hoff zu berichten. Geschehen  
zu Tours im Parlament / den 27. Aprilis /  
Anno 1589.

Vnderscrieben

Maignan.

Er



## Erklärung

Des Königs von Navarra / welcher  
gestalt ihre Königl. Würde über das  
Wasser / die Loir genant / gesetzt / vnd sich in  
der Königlichen May. zu Franck-  
reich dienst begeben / etc.



**H**enrich / von Got-  
tes Gnaden / König von Na-  
varra / Entbieten allen vnd jeden /  
so diese gegenwertig vnser Erklärung  
sehen oder lesen werden / vnser Gnad  
vnd alles guts / vnd fügen ihnen hiers  
mit zu wissen / das nach dem es Gott dem Allmächtigen  
also gefallen / das wir nach seinem Göttlichen willen vnd  
vorsehung haben sollen der vorderste vnd vornembste  
Fürst des Königlichen geblüts vnd Oberste Pair gebo-  
ren werden / welchem von Natur obliegt / vnd durch alle  
gesas / ja Eid vnd Pflichts wegen verbunden ist / den Kö-  
nig vnd die Cron Franckreich zu beschützen / zu vertheibi-  
gen vnd handzuhaben: Damit auch jederman augen-  
scheinlich sehe / das die Aufführer (Gott geb mit was  
schein sie ihr vorhaben zu beschöner sich vnderstehen) kein  
ander intent vnd anschlag haben / als jr Majestat vñ leib  
vnd leben / ja vmb ihr Königreich zu bringen / vñ dasselbig  
darnach an sich zu ziehen / daher dann nichts anders / als  
eine allgemeine zerrüttung vnd zerstörung aller guten  
Ordnungen vnd Policien / auch eines jedern insonderheit /  
vnd dann aller frommen vnd getreuen Vnderthanen  
dieses Königreichs / in gemein schädlichs verderben vnd  
vndera



vndergang / wie dann jederman solchen schon vor augen  
siehet / vnd von herzen beweinet / ja auch viel albereit sol-  
ches an ihren gütern / leib vnd leben / ehr vnd freiheit em-  
pfinden vnd erfahren / nothwendiglich entstehen vnd herz-  
fließen muß.

Wir nun / als die vns beides vor Gott deß schuldig / vñ  
von natur vnd allem gesage nach gewigt / erkennen vnd  
spüren / vnd derwegen entlich entschlossen / all vnser vers-  
mögen / macht vnd gewalt / ja auch vnser leib vnd Leben  
darzuseßen / damit vnser Herr / deß Königs / Hochheit  
erhalten / sein Königreich beschützet vnd beschirmet / seine  
getreue vnd gehorsam Vnderthanen wider die jenigen /  
welche öffentlich sich gegen ihre Majestat auffgeleihnet /  
die Cron an sich zu bringen / vñnd ein solche anzal armes  
volcks / welches Gott durch seinen Segen vñnd Gnad so  
lang vnder einē guten Regiment vnd heilsamen Sazun-  
gen vnd Statuten erhalten vnd regirt / ins äußerste vers-  
derben zu seßen vnderstanden haben / so viel vns immer  
möglich / beschützt vñnd beschirmt werden. Doch thun  
wir vns hiemit bedingen / daß wir keinen vor vnsern feind  
wollen gehalten habē / als nur die jenige / welche sich durch  
ihre feindliche thaten selbst / zu feinden dieses Königreichs  
gemacht / vñ hernacher vor feinde öffentlich außgeschrien  
vnd erklärt worden sein / als welche / so viel an ihnen gewes-  
sen / deß Königs / vnserer von Gott vorgesezten höchsten  
Obriegkeit / namen außgedilgt / vnd außgelescht / die Par-  
lament vñnd obristen Cansleien in Franckreich außgez-  
haben vnd abgeschafft / also daß sie auch die Vornemb-  
sten personen / so denselben vorgesezt / greülicher vñnd  
mörderischer weiß vñnbracht / welcher auch die grimmig-  
sten vnd Barbarischen mörder vnd Bluthunde / angezes-  
hen jres Stands / Würden vnd Lebens / würden verschon-  
net /



net/ vnd sich bey weitem nicht so fern vergriffen haben/  
 daß sie die Königlichen Sigill zerschlagen vñ zerbrochen/  
 die Königliche Brieff vñnd instrument / in welchem die  
 heilsame Iusticia fundirt worden/ zerrissen vnd zerschmitz  
 ten/ ja soviel an ihnen gewesen/ die Gerechtigkeit selbst  
 mit füßen getreten/ vnd in summa / den obersten boden  
 zu vnderst geferet/ vnd alles vmbgewendt hetten / also daß  
 der örther/ da sie jekunder zu herrschen/ nichts anders als  
 Raub/ Blutvergiessen/ Tirannen/ Mordt/ vnd allerley  
 Bubenstück/ zerstörung vnd verderben des armen gemei  
 nen Mañs/ zerschleiffung der Stätt/ schreien/ heülen vñ  
 flagen/ brand vnd verwüstung/ bey jederman/ vnd durch  
 auß allenthalben zu spüren vñnd zusehen: Wider diese  
 nämblich/ wollen wir vnser Kriegsrüstung brauchen/  
 vnd sie vffs schärffeste verfolgen vnd Bekriegen. Bez  
 ruffen derwegen vñnd ermanen wider diese gesellen / alle  
 fromme/ redliche Frankosen/ welche dem König getrew/  
 ihr Vaterlandt lieb vnd wärt haben/ vñnd ober guten ge  
 saken vnd ordnungen zu halten begeren/ daß sie vns mit  
 ihrer hülff vnd vermögen beyspringen vnd zusehen/ der  
 gewissen hoffnung vnd zuversicht/ es werde vns Gott der  
 Allmächtig seine Gnad vnd Segen verleihen/ daß wir sie  
 im namen vnser Königs nach ihrem verdienst züchtigen  
 vnd straffen können/ dann es nicht möglich/ daß Gott  
 länger solchen ihren Bubenstücken zusehen/ vnd dieselb  
 ge ungestrafft hingehen lassen könne: Solche Buben  
 stück sagen wir/ welche sie noch mit einem ehrlichen schein  
 zu bemanteln/ vnd jr Gottloses vorhaben vnder dem für  
 wort der Religion/ Gottsforcht vñnd der Gerechtigkeit  
 zu beschöneren sich vnderstehen.

Bad ob vns wol nit vnbewust/ daß viel mehr Volcks/  
 welches durch ihr wüten vñnd toben zum theil auß forche



gezwungen/ der größte hauffen aber durch ihre heimliche listigkeit eingenommen / als durch ihre eigene bosheit gereizet/ in solche Sünd vnd vergessenheit gerathen: So wollen wir auch nicht darvor halten / daß die Französische Nation dermassen auß der art geschlagen / daß sie ihren wohlhergebrachten thum vnd ehrliche namen / auch die Liebe/ Treu vnd Pflicht/ welche von ihren Vorfahren gleichsam vff sie ererbt ist/ gegen ihre Könige vnd natürliche Oberherren hindan setzen vund in vergesß stellen sollen. Derwegen wir vns auch soviel möglich beflissen wollen/ die vnschuldigen von den schuldigen zu vnderscheiden/ vnd das Schwerte / welches vns Gott der Allmächtig/ vnsern König vnd seine getreue Vnderthanen darmit zu beschützen vund zu beschirmen/ in die hand geben/ mit aller bescheidenheit vund discretion zu gebrauchen.

Entbieten derwegen allen vund jeden Prouincia/ Stätten/ Gemeinden / der Priesterschaft/ dem Adel/ vnd denen/ welchen in diesem Königreich die gerechtigkeit hand zu haben befolhen ist / wie dann auch allen Capitainen/ Kriegsleuthen/ Burgern/ vund allen andern / wes Stands/ Bürden oder Wesens die sein mögen / daß sie sich auff's fürderlichst dieser Aufrührer vnd Friedbrecher gesellschaft vund gemeinschaft entschlagen/ sich wider vnder des Königs gehorsam ergeben / ihrer Majestat Pflicht vnd Eidt leisten/ daß sie hinfuro derselben Treu/ Gehorsam vñ gewärtig sein/ vnd sich in derselben dienst gebrauchen lassen wollen. Vnd da wir eines solchen der gebür von ihnen versichert vnd vergewissert werden / Als dan wollen wir sie/ im namen vnd von wege des Königs/ welcher vns dessen völlige macht vund gewalt gegeben/ auch in vnsern Schutz vnd Schirm auff vnd annemen:  
Im



Im fall aber etliche oder mehr dieser vnser wollmeiningung nicht statt geben / sondern entweder auß halbstarrigkeit oder nachlässigkeit auff ihren köpffen bleiben / vnd in ihrem vngheorsam hartnäckiger weis verharzen werden / auff solchen fall wollen wir hiermit Protestirt vnnnd vns bedingt haben / daß sie das jenige / was ihnen hierumb außzustehen vnd zu gewarten / billicher vnd wolverschuldter weis leiden / vnd ihr vnglück niemands / als ihnen selbst / zu klagen haben: Als welche obgemelter Auffrührer vnd Meineidigen Friedbrecher gewalt vnd vnbillichen vorschub vnd beysfall gethan.

Wollen hiermit aller deren / so dem König / vnserm Herrn getrew vnd gehorsam sein / wie auch der andern / so sich / wie obgemelt / widerum mit ihrer Majestat vereinigten / vnnnd in derselben gehorsam ergeben werden / Leib vnd Leben / Hab vnd Güter / Ehr / Freiheit / Religion vñ Gewissen / Schützen / Schirmen / vnd Handhaben / keinen außgenommen / oder dem andern vorgezogen / vnnnd sonderlich wollen wir vns die Priesterschaft vor andern lassen befolhen sein / in betrachtung / dieselbigen mehr als andere in Kriegsleüfften angefochten vnd oberweldtiget werden: Doch gleichwol mit dem geding vnd bescheidenheit / daß sie auch ihres theils Fridfertig vnd in einigkeit leben / sich ihres Ampts vnd Beruffs halten / vnd nicht / wie etliche vnder ihnen / nicht ohn grosse ärgernuß vnnnd verkleinerung ires Stands vnd Beruffs / zu diesen vnnnd dergleichen vnordnungen vnd Auffrühren vrsach vnnnd anlaß geben.

Verbieten demnach außdrücklich vnd ernstlich allen vnd jeden vnsern Soldaten / vnd andern / so sich bey diesem vnserm Kriegsheer finden / vnd vns beystand leisten werden / daß sie wider obgemelte vnser Königs getreue



vñ gehorsame Vnderthanē/ auch andere/ so/ wie gemelt/  
widerumb bey ihrer Majestat versöhnet / vnd sich vnder  
dero gehorsam ergeben haben/ wes Stands vnd Wesens  
die auch sein mögen/ insonderheit aber wider die Geistlich  
chen personen nichts thätlichs vornemen/ sie nicht beleid  
digen noch betragen/ auch an den orthen/ welche zu ih  
rem Gottesdienst gestiftt sein / sie nicht irren/ turbiren  
oder verhindern/ alles bey vermeidūg höchster vngnad vñ  
straff/ welche wir vns nach gelegentheit ires verbrochens/  
vnd wie vnser Kriegsrecht mitsich bringt / jederzeit vor  
behalten haben wollen. In massen wir dann auch vnsern  
Leutenanten/ Kriegsobristen/ Hauptleuthen vnd andern  
vnsern Befelchshabern / hiemit ernstlich befolhen vñnd  
aufferlegt haben wollen/ daß ein jeder an seinem orth fleiß  
sig ob diesem vnserm Gebott halte/ bey straff / daß wo etz  
was hiewider entweder auß vorsatz oder ihr vbersehen ge  
handlet möchte werden / wir sie/ vnser Obriste vñnd  
Hauptleuth/ selbst deswegen der gebür ansehen wollen.

Erinnern gleichwol hierneben alle getreue vnd gehors  
same Vnderthanen des Königs/ wie auch die / so widers  
vmb zu ihr Majestat getretten / wes Stands oder Wes  
sens die auch sein/ daß sie selbst helffen die frommen von  
den bösen zu entscheiden/ damit vielen vbel vñnd vnfall/  
welchem man anfangs vielleicht vor kommen / als her  
nacher wider erstatten kan/ bey zeiten begegnet werde / vñ  
vermanen sie / daß sie sich bey guter zeit bey vns / vnsern  
Leutenanten/ Amptleuthen vñnd Befelchshabern finden  
vnd angeben / damit sie sich mit Passporten / Saluagar  
dien vnd andern / so inen zu ihrer sicherheit von nöthen/  
der gebür versehen/ wie wir dann gleichfals nichts desto  
weniger wollen/ daß die Saluagardien / so von ihrer Kö  
niglichen Majestat oder deroselben Leutenanten oder an  
dern



dem Befelchhabern/ in ihrer Majestat namen / nach dato dieses Brieffs/ gegeben werden/ vnuerbrüchlich gehalten werden sollen/ die straff gegen die vbertretter/ laut obgemelts vnsers Kriegsrecht/ vns ebener gestalt vorbehalten.

Bitten demnach ferner alle vnd jede Stände dieses Königreichs/ daß sie doch behersigen vnd zu gemüt führen/ was vor ein vnwiderbringlicher schadt bishero erfolgt / vnd noch je länger je mehr / da diese vnordnungen vnd zerrüttungen länger wehren sollen/ erfolgen wirdt.

Vnd erstlich die Geistlichen vnd die von der Priesterschafft / daß sie bedencken / wie jämmerlich alle Gottesfurcht im Krieg mit füßen getreten / der name Gottes gelästert/ vnd die Religion verlachtet vñ verspottet wirdt/ da ein jeder mit der Glaubens sachen/ nur ein gespött treibet/ wann er sieht/ daß die Höchsten vnd Fürnembssten die Religion nur zum schanddeckel brauchen / ihre greüliche laster vnd bubenstück damit zu beschönen.

Darnach die von der Ritterschafft/ daß sie betrachten/ in was abnemen in kürzer zeit ihr Standt gerathen/ wann die Waffen/ so zum theil ein merck vnd kenzeichen des Adels/ zum theil auch eine belohnung der tugend vnd manlichen thaten sind/ gleich als durch den Dreck gezogen/ vnd dem gemeinen Pöbel in die hand gegeben werden/welcher durch solche ihre Freiheit in ein mutwillen/ nach dem mutwillen in allerhand lecker vnd bubenstück verkert / vnd keines Menschen mehr / wes Würden/ Stands oderansehens der auch sey/ achtet.

Zum dritten/ Wollen wir auch die/ so zu handhabung der Gerechtigkeit verordnet sein/ gebetten haben / daß sie doch zu herten führen/ was für eine mördergruben ihre Rathstuben worden ist? Da man sehen muß / daß in die Stuben



Stuben/in welche die Pairs auß Franckreich jr Schwes-  
ter zu einem ebenbildt/ zeichen vnd handhabung der Ges-  
rechtigkeit legen/ jekunder ein geharnischter Procurator  
mit zwanzig oder dreissig Kriegsgorgeln treten / den  
Parlaments Rätthen Wehr vnd Dolchen an die gurgel  
setzen / vñ sie hernacher zu einem Triumph in die Bastille  
gefangen führen darff? Wann man ein Obristen Präsi-  
denten zu Toulouse/ welcher dar zu ein solcher eifferer  
der Papistischen Religion gewesen / daß kein ärgerer  
feind der vnseren niemals gelebt / eines Bischoffs geiz /  
Bucher vñd Krämeren halben/ vmbbringen / hengen  
vnd hinrichten darff. Aber lieber mit was schein einiger  
Reheren? Ist das nicht ein greuel eines wütens/ ja mehr  
als eine Barbarische greulichkeit vnd Tiranney / so in  
alle ewigkeit auch bey Türcken vnd Heiden zu verfluchen  
ist? Welche gleichwol/wie wir dar für halten/nicht lang  
wird wahren können/es sey dann/daß sie Gott sonderlich  
wölle zu einer ewigen schmach vnd schandt dieser vnserer  
zeit/vnd dieser nation/in welcher solche Barbarische Cy-  
clopen geboren vñd nachmals geduldet werden / noch  
länger wüten vnd toben lassen wölle.

So beschen jekt auch die vom dritten Standt / welche  
auffs wenigste einen nutzen bey solchem vnfriedt vnd vn-  
heil/wie man ihnen vorgeben vnd eingebildet hatte / em-  
pfangen solten: Ob sie ihrer Schazung vnd Steuer er-  
leichtert oder enthaben: Ob sie von dem Kriegsvolck nit  
mehr betranget werde: Ob sie ihren Gaden in den Stät-  
ten vnd ihren Höffen vñd baugütern auff dem Lande  
besser abwarten können: Ob man jekunders mit dem  
Gelt/ so in die Schazammern jährlich felt/besser haus-  
siret/ als zuvor? Oder aber ob jnen die Schazungen vnd  
Beschwörungen doppel/ ja dreifach so hochlauffen/ als  
vorhin:



vorhin: Ob inen nit das Gras vor iren thüren vnd vff der gassen wachse: Ob nicht jekunder drey händt sein/welche all an dem gemeinen pfennig reissen vñ krahen/ da vorhin nur eine gewesen? Ob das jekunder nicht heisse wol hauff gehalten/ wann man den Sackträgern vñnd Rärchelziehern gestattet / das sie ehrlicher Leuth häuser berauben/ fromme ehrliebende Personen/ welche stäts vber solche vnordnungen vnd bedrangnuß weinen vnd klagen/ rancioniren vnd schäzen. Welches alles dann gewißlich nit lange wären kan / vñnd wann sies mit den jenigen/ welche sie Politicos nennen / außgemacht/ ihnen alles/ was sie gehabt/ geraubt vnd gestolen haben/ vnd wann sie endlich bey denselben nichts mehr zu rauben finden/ gewißlich keines Menschen mehr verschonen werden/ da sie nur vermeinen etwas bey zu erschnappen zu sein.

Es wollen die Stätt betrachten/ so dieser Auffrührer vnd Meütmacher faction anhängig/ in was Stand sie vormaln gewesen / vñnd vergleichen denselbigen nur den jekigen vnd gegenwertigen: Lieber/ wo ligt jekunder ihr gewerb vñ Rauffmanschaft? vielleicht in einem finstern Waldt dort hinden: Wo wird jekunder die Justiz vnd Gerechtigkeit geübet vnd gehandelt? jrgend in der Bastillen: Wo bleiben jekunder die Schulen vnd Studia? mit den selben ist es anderst nichts als zu einer verwüstung vnd Cyclopischen Barbarey worden. Nun ist gewiß/ das eben dieses die einzigen mittel gewesen/durch welche sie zu einem solchen auffnemen/ Reichthumb/Gewalt vñ Herrlichkeit kommen/ vñnd durch welche allein sie bey denselben können erhalten werden: Heütigs tags ist ein Kezerey/wann man sagt / der ist Politisch. Ist also die Policer/ durch welche sie in auffnemen kommen/ ein lauter spott vnd verachtung bey ihnen worden / des nächst

E            sten



sten tags wirds ein Schelmenstück werden/ wann ein<sup>er</sup>  
Reich ist.

Endlich haben sie auch dieses wol zu beherrigen/ daß  
wann sie Kriegsvolck in ihren Besazungen werden ligen  
haben/ daß es vmb ihre Freiheit geschehen/ haben sie aber  
Keins: so sitzen sie da im flug/ vnd müssen alle augenblick  
gewärtig sein/ daß man sie vberfalle vnd ermorde/ vnd  
wird ihn also ihre Freiheit zu einer gefängnuß werden

So hat auch der arme Baurmann bey diesem wesen  
nichts bessers zu gewarten. Vnd zwar es kan ein König  
schwerlich leiden/ daß er von seinen Vnderthanen auß ges-  
jagt vnd seiner Cron entsetzt werde: sondern muß schärfpfe-  
fe mit schärfpffe/ vnd gewalt mit gewalt vertreiben. Vnd  
ob wol diese mutwillige/ vnruwige Auffrührer frembde  
vnd Außländische möchten zu hülff nemen: So wirt ire  
Majestat gleichfals frembden mit frembden widerstand  
zu thun/ vnd wider der Spanier practicken Teütsche vñ  
Schweizer wol herbey zu bringen wissen? Dardurch  
dann vnser Weingarten vnd Wiesen zu Wälden / vnd  
vnser äcker zu wüstungen vnd einöden werden müssen/  
welches als dann eben so woll dem Burger als dem Baus-  
ren/ der Ritterschafft als der Priesterschafft/ zu nachtheil  
gerathen/ vnd machen wirdt daß es mit rauben vnd stes-  
len vff dem Landt/ in den Stätten/ mit wüten vnd toben  
kein end sein / sondern man wirdt Lärmen in alle Gassen/  
Zetter vnd Mordio/ wider die anfänger vnd stiffter  
schreien: Vnd dörfte also das gemein Volck in seinem  
grün vnd wüten eben wider diese rädlinführer sich bewes-  
gen vnd aufflehnen/ vnd sein leib vnd leben/ friedt vnd  
einigkeit/ mit ihrem Blut erretten vnd erhalten wollen.  
Da dann diese gesellen mit ihrem schaden innen werden  
dörfften/ wie theuer es sie ankömen/ daß sie ihrem König  
nach



nach dem Scepter greiffen/irer Obrigkeit das Schwert/  
 so ihr von Gott gegeben auß der hand reiffen/ vnd den ges  
 meinen vnfinnigen Pöbel darmit Wapenen vnd stärke  
 wollen. Derhalben sie jekunder außtrücklich sehen/das/  
 in dem sie meinen / sie haben den König von seinem  
 Thron gestürzet/ sie denselben ledig vnd lehr gelassen ha  
 ben. Dann last vns sie bey ihrem Gewissen sagen/ wen  
 meinen sie/ der den Königsstul besitzen vnd einnehmen  
 werde? Solte es der Herzog von Meyne sein? Wie  
 wolte als dan ein Fürst in der Christenheit solches leiden/  
 vnd sich nicht mit aller Macht/ als welcher einem in sol  
 chem Exempel interessirt were/ darwidersehen/ vnd es  
 ihm für verkleinerlich/ vnd nicht zu dulden halten sein/  
 einem solchen zu zusehen? Wie viel tausent Edler ges  
 schlecht sindt wol in Franckreich/ welche sich dem Haus  
 Lothringen nicht werden vnderwerffen vnd gehorsamē/  
 sonder viel eher dem aller geringsten vnd kleinsten/ so  
 von dem Königlichen Geblüt herkommen/ vnsern Köni  
 gen vnd benachbarten Fürsten zugethan vnd verwand/  
 vnd darzu von Franckösischem Geblüt geboren/ viel ehr  
 Pflicht vnd gehorsam leisten wollen? Wie würde doch  
 diesen (denen vom Adel sagen wir) zu muth sein/ wann  
 sie sich vnder so ein schwaches Joch ergeben vnd sehen sol  
 ten/ das sie diesen neuen zukömmlingen ihr Leib vnd Lea  
 ben/ ehr vnd gut vertrauen müsten/ den jenigen/ sagen  
 wir/ welchen sie gleich vnd eben so nahe zur Cronen seind/  
 als sie/ ja nicht dem geringsten vorthail vor ihnen haben/  
 sonder viel mehr von Gott wegen ihres stolzs vnd vermeh  
 renheit verlassen sein. Wieviel Fürsten seind noch vom  
 Haus Bourbon/welche sie zuvor alle abschaffen vñ auff  
 reiben müsten/ehe dann sie dahin kömten/ wie sie vermeis  
 nen/ vnd ihn traumen lassen? vnd darzu solche Fürsten/  
 E ij welche



welche nicht allein gut fug vnd recht / sondern auch muth  
vnd mannhafftigkeit gnug haben / diesen Bastarden zu  
widerstehen / Bey welchen auch der Franckösisch Adel  
ihr leib vnd gut dar zusehen kein bedenkens haben wirdt /  
in sonderlicher betrachtung / daß in solchẽ veränderungen  
zu gleich mit der Monarchey auch der Adel pflegt zu  
grundt zu gehen / Der Adel / sagen wir / dessen Ehr vnd  
macht deromassen mit den Königen vereiniget ist / daß es  
ihnen nicht möglich bey ihren Vnderthanen gehör vnd  
folg zu haben / wann die selben sehen / daß der König / als  
ihr höchste Obrigkeit / vnd von deren sie daß Schwerdt  
tragen / seiner Ehr vnd Würde entsetzt ist.

Aber lieber / last vns ihnen doch zusehen / vnd sie ma-  
chen lassen / alles wie es ihnen gefält / vnd ihnen zugeben /  
sich in ihrem vorhaben darauff zu fundiren vnd zu grüns-  
den / daß sie von dem Carolo Magno herkommen: Wie  
wollen sie sich aber als dan mit dem Herzog von Lothrin-  
gen vnd seinen Kindern vergleichen? Dann diese zugeben  
vnd bekennen / daß sie von dem Stam deren von Vaude-  
mont herkommen. Wann sie aber meinen es gebäre  
die Cron dem jenigen / welcher dieselb am besten durch  
seine müß vnd arbeit vnd durch seine treue dienst / so er  
derselben geleistet: Item durch seine dapfferkeit vnd mäs-  
heit verdienet / das ist / wie sie sagen wollen / des Herzo-  
gen von Guisen Krämeren vnd practicken: Wie wollen  
sie dann seinen Erben davon ausschließen? Vnd wer  
zweifelt daran / daß nicht auch der geringste Nestrucker  
von desselben geschlecht vnd Linien auch sein theil daran  
zu haben vermeine? Das ist / welcher nicht im sinn habe /  
ebener gestalt als ihr Vater diß Königreich zu zerrissen /  
vnd seines gefallen außzuthelen?

Ihr liebe Frankosen / lönt ihr euch auch einbilden vnd  
geden



gedencken/ wie es mit euch zugehn wirdt? Wist ihr nit das eine jede schnelle veränderung/ vnd sonderlich in einem so hohen vnd weitlaufftigen thun/ sehr gefährlich ist? Es ist nicht woll möglich/ das das Haus/ in welchem wir wohnen/ einfallen/ vnd wir vnversehret drinn bleiben vnd kein schaden empfangen sollen: Wie auch gleichfals vnmöglich/ das unsere Leib zu Würmen vnd äschen werden/ wir seien dann zuvor gestorben: Also können auch solche Wärme nicht eher wachsen/ vnd in diesem Königreich entstehen/ es sey dan das es zuvor zu grundt gangen/ vnd gleich als faul worden sey: Wie dann ebener massen vnmöglich/ das wir/ so außershalb desselben nicht leben können/ nicht auch in grundt verderben vnd zu boden gehen. Es ist wol keine grosse mühe nach einem Königreich zu trachten/ vñ einem Volck/ welches Auffrührisch worden/ vnd einen widerwillen wider seine Obrigkeit gefast/ leicht zu gedennen / auff was wege eine Veränderung vorgenommen vnd ins werck gericht werden könne/ sonderlich wo Ehrgeiz/ Born/ Grimm vnd Rachgierigkeit mit vnderlaufft: Aber wie viel zeit gehöret darzu/ bis ein solches volfführet vnd zu endt gebracht wirdt? Wie viel Blut vergiessen/ Mordt vnd Todschlag wirt es kosten / vnd dörfte darzu die Welt nicht so lang stehen/ das dieser Streit ein endt neme / sonder alzeit von von ein Bruder auff den andern / von Vater auff den Sohn kömen/ vnd also diese zerrüttung vnd verwüstung bis auff die nachkommen/ welche eine solche wütende vnsinnigkeit verfluchen werden/ geerbet vnd transferirt werden.

Wieviel vorträglicher vnd nutzlicher würde es euch dann sein/ solchen jammer vnd elend durch einen träglichen frieden auffzuheben vnd abzuschaffen / durch einen frie-



den/sagen wir/durch welche jr gleich als auß einer finsternuß/ darein ihr euch selbst gesteckt / aus liecht gebracht/ vnd auß allem jamer/noth/trübsal vnd vnruhe/gleich als auß einem irgang / darin ihr euch verwicklet/ geführet würdet/darauß/wie ihr leichtlich selbst zusehen vnd zuermessen/ ihr nicht bald endrinnen oder zum end kommen möget. Ein solcher Fried/ sagen wir/ dardurch ein jeder widerumb käme zu deme er lust vnd lieb tregt / der gut Baurmann zu seinem Feldebau/ der Handwercksmann zu seiner Werckstat/ der Rauffmann zu seiner handthierung vnd gewerb/ vnd durch welchen man auff dem Land sicher leben/ in den Stätten widerumb ein gute Policey anrichten/ vnd in summa / durch auß jederman bey guttem recht vnd gerechtigkeit widerum gehandhabt würde. Ein Friedt / durch welchen euch euer König widerumb versöhnet/ vnd ihr ihm seinen gebürlichen vnd schuldisgen gehorsam leisten könnet. In summa/ein solcher Friede/ welcher in diesem Königreich Leib vnd Seel widerumb zu sammen bringen vnd erquickten könte / dann der Leib durch seinen Ehrgeiz schon zu stücken gebrochen vñ zerstöret: Die Seel aber/ das ist die herrliche vnd liebliche correspondenz / einigkeit vnd gute Ordnung/ durch welche es so langhero erhalten worden / auch zu trümmern gehen vnd zertrennet werden will.

Wann nun dieses alles / wie obgemelt / von einem jedern der gebür zu gemüth' geführt/ vnd insonderheit das erwogen würde / was ihm in solcher zerrüttung vnd trennung außzustehn vnd zu erwarten : So halten wir gewiß darvor/ es werden die jenigen / welche bis dahero ihr Eidt vnd Pflicht bedacht/ vnd dem König gehorsam geblieben / je länger je grössere begierdt vnd muth haben/ ihrer Majestat wider dero Feinde zu dienen/ Die jenigen  
aber



aber/ so sich vber reden lassen/ vnd auß einfalt jener Auff-  
 rührer parten vnd faction bengefallen / sich eines bessern  
 bedencken/ vnd sich nicht selbst tieffer in die brüe stecken/  
 vnd in ihr eigen verderben stürzen/ sondern werden viel-  
 mehr sich einer solchen losen gesellschaft entschlagen/ vnd  
 den König wider vmb Gnade bitten/ welcher dann solche  
 nie keinem/ der sie mit ernst begeret/ versagt hat.

Die andern belangend/ so mutwilliger vnd halbstarris-  
 ger weiß auff ihren Köpffen verharren/ vnd des Königs/  
 dieses Königreichs/ vnd ihre selbst eigene Feind bleiben  
 wollen/ gleich wie die selbigen den Zorn Gottes vnd je-  
 demanns haß auff sich laden / also haben sie auch nichts  
 gewissers von Gott zu gewarten / als sein erschrockliches  
 Gericht/ welches sie durch ihren mutwillen vnd meineis-  
 digkeit woll verdienen: Vnd were höchlich zu wünschen/  
 das Gott durch seine Barmherzigkeit dasselbig vber sol-  
 che halbstarrige vnd widerspänstige bald ergehen liesse / das  
 mit viel armer betrangter Leuth so vielfaltiges vnglücks/  
 jammers vnd elends desto bald er enthaben vnd erledig-  
 get würden.

Vnser Person belangend/ Protestiren vnd bezeu-  
 gen wir öffentlich/ daß wir nicht auß getriebe oder ange-  
 reizung einiges Ehrgeizes vns in diese Kriegswesen ge-  
 steckt vnd begeben/ dann wir/ vnser crachtens/ jederman  
 gnugsam zu erkennen geben / wie groß mißfallen wir ab  
 dem Ehrgeiz tragen: So lassen wir vns auch mit der  
 ehr / so vns Gott gegünnet / von herzen gern benügen.  
 Viel weniger aber treibt vns (wie vns dessen Gott zeüge-  
 nuß geben wirdt ) einige rachgierigkeit hierzu / dann je-  
 dermann gleichfals gnugsam bewust/ daß niemand größe-  
 ser vnbilligkeit / gewalt vnd vnrecht zugesüget worden/  
 als vns/ wie dann auch keiner bis dahero dieselbigen ges-  
 dultia



Dultiger getragen / vnd weniger sich zu rechnen vnderstans  
den / auch keiner seinen Feinden lieber verziehen / wofür  
sie sich anders bekern vnd bessern wöllen / als wir / vnd  
solches alles vmb Friedt / Ruhe vnd Einigkeit willen /  
welche wir dem Vaterland zu gutem gern wider vmb in  
diesem Königreich wolten anrichten helfen.

Das meiste aber / das vns betrübet vnd anligt / vnd  
welches wir ohn thranen nicht sehen / viel weniger ab  
wenden können / ist dieses / daß es mit diesem Königreich /  
leider so weit kommen vnd gerathen ist / daß das vnheil  
vnd vbel so tieff im selben eingewurzelt vnd vberhandt  
genommen / daß man es anders nicht als mit neuem vbel  
vnd elend heilen vnd abschaffen muß. Vnsers theils wiss  
sen wir vns vor Gott vnschuldig / dann wir darzu keine  
ursach geben / sondern sagen öffentlich / daß die jenigen  
alles dessen vnglücks / Mords / Feuer vnd Bluttvergies  
sen / so in diesem Königreich angestiftet / wärth weren /  
daß sie solches vnd ein mehrers an ihrem eignen Leib vnd  
Leben außstehn solten.

Aber es sey hievon gnug Protestiret / jederman wird  
augenscheinlich sehen / daß wir vns disfalls anders nicht  
verhalten wöllen / als ein guter Bundtarzt / welcher den  
Krancken lieb hatt. Hergegen aber erscheinet auch klär  
lich vnd außtrücklich / daß vnser Feinde nicht den Kran  
cken / sonder die Kranckheit lieben / vnd zu derselben lust  
haben / derwegen sie auch anderer gestalt nicht / als mit  
Schwerdt / Feuer / Haß / Neidt vnd Betrug mit dem  
Krancken vmbgehn / vnd sich mit nichts anders belustigen  
als mit ihren Ehrgeiz / welche sich auch nicht ersättigen  
noch zu frieden geben können / bis so lang sie seinen Todt  
vnd entliches verderben sehen / welchem wir gleichwol  
vnsers theils mit darsetzung Leibs vnd Lebens / Guts vnd  
Bluts /



Bluts/soviel vns immer möglich/ begegnen vnd vor-  
 schicken wollen/ der tröstlichen hoffnung vnd zuversicht/  
 wir wollen durch die Gnad vnd Segen Gottes/ welcher  
 ein beschützer vnd beschirmer ist aller König vnd Königs-  
 reich/ in kürzem die erwünschte frucht vnd nutzen  
 vnser mühe vnd arbeit/den König widerumb in seiner vor-  
 rigen authoritet vnd Hochheit/ diß Königreich aber in  
 der Würde/ Auffnemen vnd herlichkeit/ welche es jez  
 derzeit gehabt/ zu Gottes Ehr/ aller frommen Frankos-  
 sen freüdt vnd wolffahrt/ vnd zu des armen betrangten  
 vnd vndertruckten gemeinen Manns trost/ allen aber/ so  
 jekunder desselben vndergang suchen vnd begeren/ zu  
 höchstem herzenleid vnd nachtheil/ sehen.

Bitten demnach alle Obergericht/ Gubernatorn,  
 General Leütenant/ Amptleüth/ Vögte vnd andere/ so  
 ihrer Majestat mit diensten zugethan vnd verpfflicht/ daß  
 vns ein jeder an seinem orth in diesem vnserm guten vor-  
 haben/ dem König vnd dem gemeinen Vatterland zu  
 gutem/ die hand biete/ vnd soviel an ihme befürderlich vñ  
 behülfflich sein wolle. Dann diß ist dißmal vnser höch-  
 ste vnd vornembste begier.

Geschehen zu Saumur/ den 21. Aprilis/ Anno 1589.



Faint, illegible text, likely bleed-through from the reverse side of the page.





Warhafftige Zeitung

Vnd Kurzer Bericht/ welcher massen die Königliche Mat:stat in Franckreich vnd dero Kriegsvolck/ vnlängst zwen herrlicher vnd denckwürdiger Sieg erhalten/ zc.



**E**mnach so viel widerwertiges Dings von denen in Franckreich sich täglich zutragenden handeln vnd treffen vnder die Leuth außgesprengt / vnd von dem Rebellschen anhang mit fleiß alles mit greifflicher vnd wissenschaftlicher vnwarheit zu ihrem Vorthail/ vnd damit ihrem anhang ein Herz vnd Muth zu machen/ verfälscht zu werden/ nunmehr vnverborgen / vnd nichts seltsames ist: In massen mit hernach folgenden zweien sürgangenen angriffen vnd oberfäll auch beschehen. Als hat man dem Leser vnd mäniglichen den rechten grundt / vnd wie der Allmächtige der Auffrührer böshafftiges fürnehmen abzuwenden / Hergegen denen/ so eingerechte Sach haben / auß gefahr vnd nöthen zu helfen / in seinen mächten hatt / zu erkennen zu geben/ vor nothwendig ermessen.

**A**ls der weit berümbte vnd sehr erfarme Kriegs Obrist/ der Herz de la Noue/ so sich zu des Königs in Franckreich defension vnd diensten begeben/ in gewisse erfahrung gebracht/ in was äußerster gefahr/ das von d'Aumale vnd Balanio Belägete Stättlin Senlis

S ij stanz



stände/ daß nicht allein die Mauren zum Sturm vñnd  
 in grundt geschossen/ sonder auch die drinnen Meineidiz  
 ger weiß ihren vom König dahin verordneten Gubernato  
 ren gefangen/ denselben den Feindt zu verkauffen/  
 vñnd als dann das Stättlin zu vbergeben schon im werck  
 stunden/ hat Er leichtlich ermessen/ daß sich dißfals nit  
 lang zu saumen sein wölle/ derowegen sich den 12. Tag  
 verschieenen Monats Maij/ nach neuem Calender/ in  
 höchster geheime vñnd stille mit neun hundert reifigen/  
 vñnd biß in Tausent zu fuß/ sampt zwey oder drey Feldtz  
 stücklin eilendis erhebt/ auff obbenantes Belägertes  
 Stättlins zugezogen/ vnvermercker ding an Feindt  
 kommen/in denselben/ als Er eben die Possesß des Stätt  
 lins einnehmen wölle/ vnerachtet gedachter Rebellische  
 hauffe weit stärker in die 1300. Kürisser vñnd 6000.  
 Mann zu fuß beyammen hatte/ vnerschrocken vñnd mit  
 solchem ernst vñnd gewalt gesetzt/ daß die Obristen endtz  
 lich zu rüch weichen müssen/ dardurch dann Vnordnung  
 im Kriegsvolck/ vñnd ein gänßliche flucht erfolgt/ D' Au  
 male hat sich naher dem Stättlin S. Denis/ ein Meil  
 wegs von Paris/ flüchtig begeben: Der ander ist gen Cas  
 merich entrunnen/ vñnd haben nicht allein bey 2000.  
 Mann/ sondern auch zehen Cartaynen vñnd Maurbres  
 cher/ vñnd alle Fahnen verlohren vñnd dahinden gelassen/  
 deren der Herz de la Noue mächtig worden/ daß also  
 mit Gottes hülff offiberürtes Stättlin dem König er  
 halten/ vñnd dem Feindt nicht ein schlechter abbruch/ spot  
 vñnd schand angethan: Hergegen auff des Königs seitz  
 ten ehr vñnd lob eingelegt worden.

Folgenden Tags ist Er/ de la Noue/ mit seine Siegz  
 hauffen Kriegsvolck für die Statt Paris gerückt/ in ein  
 Vorstatt gefallen/ sich in derselben bey einer halben stund  
 lang



lang vff gehalten/gefüttert/vnd den Mittags Imbiß ge-  
 nohmen. Was aber in der Statt Paris in mittelst für  
 Angst/Noth/Schrecken/Zagen/Schreien vnd Heulen  
 der Weiber vnd Kinder/auch Schellen vnd Leuten mit  
 allen Glocken/fürgangen/solches kan ein jzder selbst bey  
 sich woll ermessen/vnnoth mit solcher erzehlung sich diß  
 orths auffzuhalten: Solehem nach ist viel erwenter  
 Herz de la Noue mit den seinigen in den Waldt Vin-  
 cennia geruckt/da selbst ein Königliches Haus/so die  
 Rebellen innen gehabt vnd besetzt/vnversehens vber-  
 fallen/vnd zwey Fändlin Knecht/das sie sich an ihnen er-  
 geben müssen/bezwungen. Wollgedachter Herz hat auch  
 damals 1300 Pferde abgefertigt/so die vier Tausendt/  
 dem König zuziehende Engelländer/beleiten sollen.  
 Eben vmb solche zeit seind an einem andern orth Sechs-  
 hundert Pferde/welche der Herz von Broiles auß den  
 Niderlanden den Rebellen zuzuführen vermeint/von  
 dem Grauen Mongromri geschlagen/vnd ihr Obrister  
 gefänglich eingebracht worden.

Nun wollen wir jeso zu der andern Zeitungen/  
 vnd was sich fast vmb solche weil mit der Statt Tours/  
 dahin sich die Königliche Majestat mit ihrem Hofflager  
 verfügt/vnd ein zeitlang daselbst auffgehalten/zugetra-  
 gen/schreiten.

Vnd ist erstlich zu wissen/das der mehrer theil auß der  
 Burgerschaft zu Tours im herten gut Ligurisch/hins  
 wider böß Königisch/vnnd jett wider ihren willen dem  
 König an die handt gehen müssen. Solchen vorthail has-  
 ben die Rebellen/vnd sonderlich der von Meyne erse-  
 hen vnd zu gemüt geführet/derhalben/welcher gestalt der-  
 enden dem König bey zukommen/sein möchte/rath ge-  
 halten/vnnd endlich durch angeben etlicher in Tours/



sampt auch andern bösen Buben auß des Königs Hoff  
 gefunde/ den das Maul nach der Liga stinckt/ bey sich be-  
 funden / daß diß eben ein außerswelttes vnd erwünschtes  
 orth zu ihrem vorhaben sey/ da man sich nur auff gute  
 gelegenheit bedencken würde. Dann gedachter von Mey-  
 ne sampt seinen Rathgebern/ vñ so in berurtem anschlag  
 verwandt gewesen / ihnen selbst diese gewisse Rechnung  
 gemacht / so baldt sich das Rebelligh Kriegsvolck bey  
 Tours erzeigen / vñ der Lärmen angehen / würde der Kö-  
 nig das bey sich habende Schweizerische Kriegsvolck auß  
 der Statt in die Vorstatt zur Besatzung verordnen/  
 dadurch dann die Burger schafft in der Statt desto leicht-  
 er die vberhandt haben / vnd des Königs person zu ihrem  
 willen mächtig zu werden / gute gelegenheit erlangen/  
 vnd der sachen starck genug sein würden: In mittelst er  
 sampt seinem Kriegsvolck mit den Schweizern in den  
 Vorstätten auch woll an ein orth kommen vnd dahin  
 bringen wolte/ daß sie eintweder hahr lassen / oder sich er-  
 geben vnd die Wehr von sich werffen müsten: Dann  
 ohne das bey ihnen nit vermütlich gewesen / daß sie / als  
 frembde / viel darnach fragen würden / wie es dem König  
 ergienge: Jetzt angeregten Verrätherischen anschlag  
 desto sicherlicher in das werck zu setzen / ist vor nothwendig  
 bedacht worden / die Sachen eher nicht anzugreifen/  
 es seie dann der König von Navarra vnd der Herz von  
 Chastillon nicht bey Hoffe / sondern auffs wenigst so  
 weit darvon / daß sie so baldt zu diesem Lärmen nicht  
 kommen / vnd also des Königs Kriegsvolck kein rechte  
 Häupter vnd Anführer haben möchte. Als nun der  
 von Meyne durch die seinen auß Tours sein gewisse  
 Fundtschafft gehabt / auff welchen tag viel erwenter Herz  
 von Chastillon gewiß auß Tours / vnd einen zimlichen  
 weg



Weg verreisen würde/ auch wo der König von Navarra  
 sein Lager hatte / Vnd daß sich ihrer vnuersehenen bey-  
 kunfft halben nichts zu besorgen/ Ist der anschlag vnd die  
 Verräthterey eben auff den tag in das werck zu setzen/  
 daran der von Chastillon/ obgehörtter massen/ verrei-  
 ten sollen/ beschloffen/ vnd daß es mislingen könte gar  
 kein gedancken gemacht/ oder besorg getragen worden.  
 Es hat sich aber / sonder zweiffel auß Göttlicher vorse-  
 hung/ zugetragen/ daß mehr besagter Herz von Chastil-  
 lon auß fürgefallenen geschäften vnd verhindernüssen/  
 noch den selben tag zu Tours verharret/ sich aber in seiner  
 Herberig so still ingehalten / daß kein Mensch seines ans-  
 wesens gewar worden/ sondern der König vnd mäniglich  
 nichts anders gewußt/ er seie verrückt. Also ist ein ding/  
 darauff die Feinde ihr rechnung gemacht/ fühl geschlas-  
 gen: Selbigen tags nun wie der einfall vom Feindt bes-  
 chlossen/ auch ins werck gesetzt worden / hat sich der Kö-  
 nig in die eine Vorstatt begeben / die gebau allenthalben  
 an Mauern vnd Wehren besichtigt / was zu verbessern  
 angeordnet: In dessen aber gewar worden / daß im Felde  
 7. Tausen reißige/ vnd so viel zu Fuß / sampt etlichen stü-  
 cken Geschütz/ der Vorstatt sich genähert / derwegen sein  
 Kön. Majestat etwas anfänglich sich darab entsetzt / als  
 baldt aber befehl gegeben/ die Brück vber den Graben ab-  
 zuwerffen / welches beschehen/ vnd also dem Feindt am  
 selben orth/ das Loch verrent worden: Darauff haben  
 ihre Kön. Majestat sich wider in die Statt begeben / die  
 Schweizer auffgemahnet/ vnd ihnen befolhen/ alle Gasa-  
 sen / Ecken vnd Pläs in der Statt / wie auch alle Thü-  
 ren einzunehmen vnd zu verwachen/ vnd keinen Burger/  
 den sie nit getrauet/ auß seinem Hauß/ oder sich zu sam-  
 men Rottiren zu lassen/ Vnd ist diß das ander/ so den Re-  
 belen/



bellen / welche doch das Fundament ihrer Verrähterey  
 darauß gesezet / fählgeschlagen: In mittelst aber ist der  
 Feindt in die andere Vorstatt gefallen mit grossen ernst/  
 was ihme begegnet / vnd sich zur gegenwehr gestellet / vnd  
 darunder viel ansehnliche Kön. Franckösischer Haupt-  
 leuth erschlagen / also daß den gemeinen Soldaten fast  
 das Herz entfallt / kein rechte anstalt / Anordnung / Ver-  
 mahnen / vñ dergleichen vorhanden / vñ die noth eben groß  
 gewesen. Beuorab / weil keiner dem andern vertraute /  
 vnd nicht wissen mögen / was hinder diesem einbruch ste-  
 cke: Auch sich der Feinde getheilt / vnd ein zimliche anzall  
 desselben ein starke Paster / daran der Statt viel gelez-  
 gen / eingenommen / welches dem König nicht wenig zu  
 Herzen gangen. Solcher Lärmen kompt dem Herrn  
 von Chastillon / so vber seinen geschäften geseßen / für die  
 ohren / derwegen er sich nicht lang gesaumt / sondern mit  
 wenig bey sich habenden Dienern vnd Soldaten auß die  
 Gassen / vnd der Vorstatt / auch wo der Lärmen vnd das  
 geschrey am größten war / zugelauffen / dem Kriegsvolck  
 zu gesprochen / dasselbe in ein Ordnung gestelt / welches  
 ab seiner gegenwart wider ein gut Herz gefast / dē Herrn  
 von Chastillon nachgefolgt / vund dem einbrechenden  
 Feindt der massen Mannliche gegenwehr gethan / daß sie  
 letztlich die Vorstatt mit grossen verlust wider verlassen  
 vnd weichen müssen. So bald nun der Feind an berurz-  
 tem orth durch des Herrn von Chastillon Mannheit  
 abgetrieben worden / hat ihr Kön. Majestat ihme befohlen /  
 sich vmb das eroberte Bollwerck auch an zu nehmen /  
 dem zu gehorsamer folg / hat der Herr von Chastillon  
 mit etlichem Kriegsvolck vñ verzüglich nachgesezt / dem  
 Bollwerck zugezogen / den Feindt darauß Ritterlich ans-  
 gegriffen / vnd solche Mannheit / welches die Kön. W.  
 von



Von ferne auß ihrem Losament sehen mögen/erzeigt/das dieselbe nicht allein ein gnädigst gefallen darab getragen/ sondern auch ab seiner Helden muth muth vnd Ritterlichen gegenwehr sich nicht gnugsam verwundern mögen/vnd vrsach genommen/ ihme mehr hülff zuzuordnen/ bis letztlich durch den grossen ernst der Feindt genötigt wordē/ mit grossen verlust seines Volcks/das Bollwerck zu verlassen/ vnd die flucht zu nehmen. Zudiesem jetzt erzelten vberfallen hat der Feindt 6000. außersene Soldaten zu fuß/vnnd 2000. Pferd/ vnnd den fern von allem Kriegsvolck gebraucht.

Wie nun viel berührtes Bollwerck auch widerumb glücklich erhalten worden/ vnd der Herz von Chastillon sich bey der Kön. Majestat wider eingestellt/haben dieselbe öffentlich vnd vor mániglich mit außfürlichen/zierlichen Worten das Lob geben/ das er berührten Tag mit seinen Ritterlichen thaten das beste gethan/vnd den danck verdienet / auch ihme fürters die verwarung berührtes Bollwercks auffgetragen. In währendem Lerman aber hat der König nicht vnderlassen auff eilender Post dem König von Navarra dieses zustands zu verständigen/vnnd ihn vmb hülff zu sich zu beschreiben/ der sich dann nicht gesaumt/sondern als balden/nach empfahung solcher Briue/mit seinem hellen hauffen auffgebrochen/naher Tours gezogen/ vnnd vnder wegen die fuß also auffgebt/ das er folgenden morgen zu frühesten tagzeit zu Tours bey dem König ankommen/ vnd sich bescheidts erholt. Es hat aber so still nicht zugehen können / der Feindt ist es innen worden/ vnnd sich von stundt an auß dem staub gemacht/ dem doch der König von Navarra ein stück wegs nach gesagt/ vnnd auß dem Rebellen hauffen bis in 600.in der flucht erlegt hat: Jetzt gehör-

G ter



ter gestalt hat der Allmächtig den König zu Frankreich  
aus den Händen der Rebellen errettet / dem König den  
Sieg verliehen / vnd jenem mit Spot / Schandt vnd schas  
den abziehen lassen.

Item hat der König von Nauarra vber das ganz  
Königlich Feldtläger zu befehlen / als des Königs Genez  
ral Obrister Leüttenant / Vnd wie die mehrerley schreiben  
verlauten / stehet man im werck / Paris an allen orten  
zubelägern: Den Allmächtigen getreuen Gott herz  
lich bittend / Er wolle fürbaß nicht weniger der Gerech  
tigkeit / vnd die ihn recht erkennen / lieben vnd ehren / mit  
seinem gewaltigen Arm beiständig sein: Hingegeu des  
Antichristischen Römischen Pappsts Mord / Practicken /  
vnd der an ihme hangenden grossen Potentaten / auch  
Tirannen schreckliche Kriegsmacht vnd Execution /  
Väterlich zu rück wenden / zu nichts / Spot vnd Schan  
den / wie verschienes vnd dieses Jahr aller Welt kundt  
vnd offenbar worden / zu seines allerheiligsten Namens  
Lob vnd Preis / wenden lassen / Amen.













AB: 154369

ULB Halle  
002 491 087


3



TA → OL











ai

zu Franckreich/  
von Meyne/Herzog  
ann alle ihnen vund ihree  
entliche dichter/ aller iree  
en mögen/ dem Könige  
/ vnd wollen sie wirck  
zu vorstehender Kriegs

ckreich / mit was  
hen vrsachen/ sie  
arra in einen  
sen.

zu Navarra/  
stram gesetzt/  
y. zu Franck  
begeben.

ung  
schen dem Könige  
a in belägerung vund  
in dem einfall des von  
die Königliche May.  
rey / Gefahr vnd noth  
dern orthen/ Sieg wis  
hat.

fischen

IX

B.I.G.

Farbkarte #13

Blue Cyan Green Yellow Red Magenta White 3/Color Black

Inches  
Centimetres